

Transparency International BiH je najkorumpiranija zemlja u Evropi

04/08/2010 21:22 by Administrator

Korupcija na Balkanu cvjeta kao nikada. Zakoni "uzimanja i davanja ispod ruke" prihvaćeni su u svim slojevima društva. Na rang-listi "Transparencija" ove zemlje su na dnu. Sitna korupcija nadovezuje se na krupne prevare, piše "Deutsche Welle". U Srbiji je prošle godine petina građana primala mito. U Bugarskoj, koja je članica EU-a, to je prema informacijama Centra za istraživanje demokratije činio svaki četvrti stanovnik. Ni u školama i na univerzitetima se ništa ne može postići bez "nagrađivanja" nastavnika i profesora...

Eksperti "Transparency Internationala" su prošle godine stavili Bugarsku, Makedoniju i Rumuniju na 71. mjesto najkorumpiranijih zemalja na svijetu. Poređenja radi: Švicarska se nalazi na petom mjestu, Njemačka na 14, a Austrija na 16. Dosta slabije pozicionirana je Srbija koja je na 83. mjestu. BiH je na 99 poziciji i time daleko najkorumpiranija zemlja u Evropi.

"Političke elite su pokretale motor za korupciju u BiH", izjavio je direktor "Transparency Internationala" u BiH Srđan Blagovčanin. "Takozvana mala korupcija u oblastima kao što su zdravstvo, školstvo, administracija i policija proizilazi iz velikih prevara."

Građani vide da "velike ribe" u politici ostaju nekažnjene i stoga smatraju ispravnim i pravednim da svoje želje rješavaju plaćanjem bakšija.

Svaki građanin u BiH u prosjeku prilikom posjete ljekaru plaća 126 eura mita. Sa oko 213 eura se univerzitetski profesori obavezuju na naklonost. Ta suma je više od pola prosječne mjesečne plaće.

No, to su samo "male ribe" u odnosu na veliko vrzino kolo, koje vode političari i institucije. U Hrvatskoj pred sudom mora odgovarati jedan bivši ministar odbrane zato što je prilikom nabavke kamiona primao mito u milionskom iznosu. Bivši šef hrvatske Vlade, Ivo Sanader, se u javnosti dovodi u vezu sa skandalom oko banke Hypo-Alpe-Adria.

Beogradska TV-stanica B92 prošle godine je otkrila da je gradska uprava mutnim poslovnim ljudima obezbjeđivala zemljišne parcele u vrijednosti od nekoliko miliona eura. Nadležni su izjavili da se u Srbiji godišnje "opere" 1, 7 milijardi eura.

Sociolozi iz balkanskih zemalja su napisali mnogo knjiga u kojima se pokušava objasniti postojeca korupcija. Pri tome se spominju propusti iz vremena komunizma i trenutno siromaštvo u nekim dijelovima zemlje.

U jednom se mešutim svi slažu: sve dok se ne poboljša situacija na političkom planu, ne postoji šansa da se korupcija iskorijeni u svakodnevnom životu građana.

Izvor vijesti: Sarajevo-x